

Bengkel pembuatan Linangkit, pakaian tradisi dan aksesori perkasa komuniti tempatan

UB 21.11.2024 P.06

KOTA KINABALU: Fakulti Sains dan Sumber Alam (FSSA), Universiti Malaysia Sabah (UMS) menganjurkan Bengkel Pembuatan Linangkit, Pakaian Tradisi & Aksesori di Kolej Geomatika, Keningau, baru-baru ini.

Penganjuran bengkel itu merupakan sebahagian daripada inisiatif Program Pendidikan Komuniti@UniMadani Pusat Kelestarian Libatsama Masyarakat (PKLM) UMS.

Ini bertujuan memperkasa komuniti tempatan melalui pemeliharaan dan pengembangan seni tradisional Linangkit, pakaian tradisi dan aksesori etnik Murut, selain meningkatkan kebolehpayaan ekonomi komuniti melalui aktiviti ekonomi kreatif.

Ketua Projek, Prof. Madya Dr. Aini Janteng dari FSSA, UMS berkata, program ini bertujuan mendedayapayakan komuniti tempatan melalui pemindahan kemahiran seni kraf tangan yang bernilai tinggi serta mengekalkan warisan kebudayaan masyarakat etnik Murut.

Selain itu, bengkel itu memberi peluang kepada peserta mempelajari teknik pembuatan Linangkit dan aksesori tradisional yang berpotensi menjana pendapatan tambahan.

“Program ini juga turut mendukung usaha kerajaan dalam memperkukuh hubungan universiti dengan komuniti melalui pembangunan sosial dan ekonomi seiring dengan falsafah pembangunan Madani,” katanya.

Bengkel ini turut mendapat sokongan ahli projek bersama Dr. Jaludin Janteng (Fakulti Kewangan Antarabangsa Labuan), Dr. Sarimah Suriashah (FSSA), Dr. Siti Rahayu Mohd Hashim (FSSA), dan Janvin Janteng (Kolej Pengajian Pengkomputeran, Informatik dan Matematik, UiTM Cawangan Sabah).

Seramai 30 peserta menghadiri bengkel sehari itu yang turut mendapat ilmu daripada pemilik Elisa Collection — Tailor Handcraft, Elisa Nuar.

“Kami berterima kasih atas kerjasama dan sokongan Presiden Pertubuhan Etnik Murut Nabai Sabah, Egbert Manjin, serta Pengerusi Persatuan Kebudayaan Murut Nabai



ALBUM: Lawatan pemantauan oleh rombongan Kementerian Kewangan Malaysia dan UMS di Queen Hotel, Keningau.



SAMBUTAN: Peserta bengkel pembuatan Linangkit, pakaian tradisi, dan aksesori bergambar bersama tenaga pengajar.

Kg. Patikang Laut, Keningau, Nuar Jaimi dalam menyayakan penganjuran bengkel ini.

“Harapan kami agar bengkel sebegini dapat berterusan demi memperkukuhkan ekonomi komuniti setempat,” jelas Aini.

Projek tersebut juga turut menerima lawatan pemantauan daripada Kementerian Kewangan Malaysia dan UMS di Queen Hotel, Keningau.

Lawatan disertai Setiausaha Bahagian Pengurusan Strategik Badan Berkanun Kementerian Kewangan Malaysia, Datin Rosni Yusoff; Penolong Naib Canselor (Jaringan Industri dan Komuniti), UMS, Prof. Dr. Coswald Stephen Sipaut@Mohd Nasri; Pengarah Pusat Kelestarian Libatsama Masyarakat (PKLM) UMS, Ts. Dr. Ag. Sufiyab Abd Hamid dan Timbalan Pegawai Kewangan Persekutuan Kota Kinabalu, Sarah Said.

SENI: Elisa menunjukkan aksesori yang disiapkan oleh peserta bengkel.

